

ÁKVÖRÐUN FRAMKVÆMDASTJÓRNARINNAR
frá 12. apríl 1999

um sameiginlega tækniforskrift fyrir tengingu endabúnaðar, sem er gerður fyrir talsímaþjónustu byggða á rökstuddum tilvikum, við hliðræna almenna sjálfvirka talsímakerfið (PSTN), þar sem númeraval innan kerfisins, ef boðið er upp á það, er með tónvali (DTMF-merkjasendingu) (*)

(tilkynnt með númeri C(1999) 874)

(1999/303/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 98/13/EB frá 12. febrúar 1998 um endabúnað til fjarskipta og búnað gervihnattajarðstöðva og gagnkvæma viðurkenningu á samræmi þeirra ⁽¹⁾, einkum öðrum undirlið 2. mgr. 7. gr.,

og að teknu tilliti til eftirfarandi:

- 1) Ákvörðun ráðsins 98/482/EB frá 20. júlí 1998 um sameiginlega tækniforskrift fyrir kröfur varðandi tengingu endabúnaðar við hliðræn almenn sjálfvirk talsímakerfi (PSTN) (að frátöldum endabúnaði sem er gerður fyrir talsímaþjónustu byggða á rökstuddum tilvikum) þar sem númeraval innan kerfisins, ef boðið er upp á það, er með tónvali (DTMF-merkjasendingu) ⁽²⁾ gildir ekki um endabúnað sem er gerður fyrir talsímaþjónustu byggða á rökstuddum tilvikum.
- 2) Framkvæmdastjórnin hefur komist að þeirri niðurstöðu að sameiginleg tækniforskrift skuli gilda um endabúnað, sem er gerður fyrir talsímaþjónustu byggða á rökstuddum tilvikum, og samþykkt tilheyrandi yfirlýsingu um gildissvið.

- 3) Tækniþróun samsvarandi samhæfðs staðals er það langt komin að vitað er að efni hans vikur einungis að óverulegu leyti frá samhæfða staðlinum sem vísað er til í tilskipun ráðsins 98/482/EB. Þess vegna er hagkvæmt að samþykkja nógildandi samhæfðan staðal, með minni háttar undantekningum, sem grunn fyrir tengikröfur sem eiga að gilda um endabúnað sem er gerður fyrir talsímaþjónustu byggða á rökstuddum tilvikum. Þessu markmiði er hægt að ná með þessari ákvörðun framkvæmdastjórnarinnar sem er viðbót við ákvörðun 98/482/EB. Þetta mun hafa þau áhrif að sami samhæfði staðallinn verður notaður, að því er tengikröfur varðar, fyrir allar tegundir endabúnaðar sem er tengdur við almenna sjálfvirka talsímakerfið. Í inngangsorðum tilskipunar 98/13/EB er tekið fram að slíkar grunnkröfur skuli vera sveigjanlegar og taka beri tillit til stöðu tækninnar og efnahagslegs ávinnings.

(*) Þessi EB-gerð, sem birtist í Stjtið. EB L 118, 6.5.1997, bls. 55, var nefnd í ákvörðun sameiginlegu EES-nefndarinnar nr. 6/2000 frá 4. febrúar 2000 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalaganna.

⁽¹⁾ Stjtið. EB L 74, 12.3.1998, bls. 1.

⁽²⁾ Stjtið. EB L 216, 4.8.1998, bls. 8.

- 4) Á 20. öldinni hafa orðið stöðugar tækniframfarir hvað varðar almenn innlend símakerfi en vegna þess að upphaflega þróaðist tæknin sjálfstætt á hverjum stað mun umtalsverður tæknilegur munur verða áfram milli kerfa.

- 5) Þannig er tæknimunur milli almennra sjálfvirkra neta og þeim mun, sem hefur mesta þýðingu, er lýst í leiðbeiningariti Fjarskiptastaðlastofnunar Evrópu EG 201 121.
- 6) Í þessu leiðbeiningariti kunna að vera gagnlegar upplýsingar fyrir framleiðendur.
- 7) Tilkyntir aðilar skulu því sjá til þess að framleiðendur viti af þessum mun.
- 8) Á aðlögunartímabili skal vera unnt að halda áfram að viðurkenna endabúnað samkvæmt innlendum reglum.
- 9) Framleiðendur skulu láta upplýsingar fylgja öllum framleiðsluvörum sem eru viðurkenndar samkvæmt þessari ákvörðun. Framleiðendur skulu gefa yfirlýsingu um netsamhæfi. Tilkyntir aðilar skulu sjá til þess að framleiðendur viti af þessum skyldum. Tilkyntir aðilar skulu upplýsa aðra tilkynnta aðila um yfirlýsingar um netsamhæfi þegar búnaður er viðurkenndur samkvæmt þessari ákvörðun.
- 10) Áfram er heimilt að markaðssetja innanlands og taka í notkun endabúnað sem þessi ákvörðun gildir um og er viðurkenndur samkvæmt innlendum reglum fyrir lok aðlögunartímabilsins.
- 11) Sameiginlega tækniforskriftin, sem kveðið er á um í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRDUN ÞESSA:

1. gr.

1. Þessi ákvörðun gildir um endabúnað sem tengja á við hliðrænt almennt sjálfvirkt símakerfi og fellur undir gildissvið samhæfða staðalsins sem um getur í 1. mgr. 2. gr. í ákvörðun framkvæmdastjórnarinnar 98/576/EB ⁽¹⁾.

2. Í þessari ákvörðun er kveðið á um sameiginlega tækniforskrift sem gildir um tengikröfur endabúnaðar við hliðrænt almennt sjálfvirkt símakerfi, sem um getur í 1. mgr., þar sem númeraval innan netsins, ef boðið er upp á það, er með tónvali (DTMF). Þessi ákvörðun nær ekki yfir kröfur sem varða samvirkni endabúnaðar um

fjarskiptanetið eins og tilgreint er í g-lið 5. gr. í tilskipun 98/13/EB.

2. gr.

1. Sameiginlega tækniforskriftin skal ná yfir samhæfða staðalinn sem hlutaðeigandi staðlastofnun hefur samið til framkvæmdar grunnkröfunum sem um getur í d- og f-lið 5. gr. tilskipunar 98/13/EB. Tilvísun í staðalinn er að finna í I. viðauka.

2. Sameiginlega tækniforskriftin gerir kleift að endabúnaður:

- a) sé prófaður við þrengri aðleiðsluskilyrði eins og mælt er fyrir um í 1. lið IV. viðauka;
- b) sem er ekki fyrirhugað að tengja við almennt sjálfvirkt símakerfi, sem veitir minni slaufustraum en 18 mA, sé prófaður við þrengri aðleiðsluskilyrði eins og mælt er fyrir um í 2. lið IV. viðauka.

3. Endabúnaður, sem 2. mgr. 1. gr þessarar ákvörðunar gildir um, skal vera í samræmi við sameiginlegu tækniforskriftina sem um getur í 1. og 2. mgr., uppfylla grunnkröfurnar sem um getur í a- og b-lið 5. gr. tilskipunar 98/13/EB og uppfylla kröfur allra annarra gildandi tilskipana, einkum tilskipana ráðsins 73/23/EBE ⁽²⁾ og 89/336/EBE ⁽³⁾.

3. gr.

1. Tilkyntir aðilar, sem tilnefndir eru til að koma í framkvæmd málsmeðferð sem um getur í 10. gr. tilskipunar 98/13/EB, skulu, að því er varðar endabúnað sem 2. mgr. 1. gr. þessarar ákvörðunar gildir um, beita viðeigandi hlutum samhæfða staðalsins, sem um getur í 1. mgr. 2. gr., eða sjá til þess að honum sé beitt.

2. Tilkyntir aðilar skulu sjá til þess að:

- a) framleiðendur eða aðrir umsækjendur um viðurkenningu hafi vitneskju um ráðgefandi upplýsingar sem eru í leiðbeiningariti ETSI EG 201 121 þar á meðal þær breytingar sem kunna að verða; og
 - b) framleiðendur hafi vitneskju um að þeim ber skylda til að festa tilkynningu, eins og þá sem er sýnd í II. viðauka, á allar framleiðsluvörur sem eru viðurkenndar samkvæmt þessari ákvörðun; og
 - c) framleiðendur gefi yfirlýsingar um netsamhæfi í samræmi við fyrirmyndina sem sýnd er í III. viðauka.
3. Tilkyntir aðilar skulu upplýsa aðra tilkynnta aðila um yfirlýsingar um netsamhæfi þegar búnaður er viðurkenndur samkvæmt þessari ákvörðun.

⁽¹⁾ Stjtið. EB L 278, 15.10.1998, bls. 40.

⁽²⁾ Stjtið. EB L 77, 26.3.1973, bls. 29.

⁽³⁾ Stjtið. EB L 139, 23.5.1989, bls. 19.

4. gr.

1. Innlendar reglur um gerðarviðurkenningu búnaðar, sem fellur undir samhæfða staðalinn sem um getur í 1. mgr. 2. gr., skulu ekki gilda lengur en í 15 mánuði eftir að tilkynnt er um þessa ákvörðun.

2. Áfram er heimilt að markaðssetja og taka í notkun endabúnað sem er viðurkenndur samkvæmt slíkum innlendum reglum um gerðarviðurkenningu.

5. gr.

Ákvörðun þessari er beint til aðildarríkjanna.

Gjört í Brussel 12. apríl 1999.

Fyrir hönd framkvæmdastjórnarinnar,

Martin BANGEMANN

framkvæmdastjóri.

*I. VIÐAUKI***Tilvísun í gildandi samhæfðan staðal**

Samhæfði staðallinn, sem vísað er til í 2. gr. ákvörðunarinnar, er:

Attachment requirements for pan-European approval for connection to the analogue public switched telephone networks (PSTNs) of TE (excluding TE supporting the voice telephony service) in which network addressing, if provided, is by means of dual tone multi-frequency (DTMF) signalling

Tengikröfur fyrir samevrópska viðurkenningu á tengingu endabúnaðar við hliðrænu almennu sjálfvirku símanetinu (PSTN) (að frátöldum endabúnaði sem er gerður fyrir talsímaþjónustu) þar sem númeraval innan kerfisins, ef boðið er upp á það, er með tónvali (DTMF-merkjasendingu).

ETSI

Fjarskiptastaðlastofnun Evrópu

Aðalskrifstofa ETSI

TBR 21– janúar 1998

(að undanskildum formála og takmörkunum á notkunarsviði endabúnaðar sem er ekki gerður fyrir talsímaþjónustu byggða á rökstuddum tilvikum)

Viðbótarupplýsingar

Fjarskiptastaðlastofnun Evrópu er viðurkennd samkvæmt tilskipun ráðsins 98/34/EB ⁽¹⁾.

Samhæfði staðallinn, sem vísað er til hér að framan, er saminn samkvæmt umboði sem gefið er út í samræmi við viðeigandi málsmeðferðarreglur tilskipunar ráðsins 98/34/EB.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnun Evrópu,
650, route des Lucioles,
F-06921 Sophia Antipolis Cedex

eða

Framkvæmdastjórn Evrópubandalaganna,
DGXIII/A/2 – (BU 31, 1/7)
Rue de la Loi/Wetstraat 200
B - 1049 Brussels

eða einhverrar annarrar stofnunar sem annast afhendingu ETSI-staðla, en skrá yfir þessar stofnanir má finna á slóðinni www.ispo.cec.be á Netinu.

⁽¹⁾ Stjóð. EB L 204, 21.7.1998, bls. 37.

II. VIÐAUKI

Texti tilkynningarinnar sem framleiðendur skulu láta fylgja framleiðsluvörum sem eru viðurkenndar samkvæmt þessari ákvörðun

„Búnaðurinn hefur verið viðurkenndur samkvæmt ákvörðun framkvæmdastjórnarinnar 1999/303/EB fyrir samevrópska tengingu við almenna sjálfvirka símakerfið (PSTN). Vegna þess að munur er á almennum sjálfvirkum símakerfum frá mismunandi löndum gefur viðurkenningin sjálf ekki skilyrðislausu tryggingu fyrir því að hann geti starfað eðlilega á öllum endastöðvum almennu sjálfvirkum símakerfanna.

Ef vandamál koma upp er rétt að hafa samband við söluaðila búnaðarins hið fyrsta.“

Athugasemd: Framleiðandinn skal tryggja að seljandi og notandi búnaðarins geti fengið nægar upplýsingar um það sem að framan greinir á umbúðum og/eða í notendahandbókum (eða annars konar notendaleiðbeiningum).

III. VIÐAUKI

Yfirlýsing um netsamhæfi frá framleiðanda til tilkynnts aðila og seljanda

Í þessari yfirlýsingu á að tilgreina þau kerfi sem búnaðurinn er hannaður til að tengjast og öll tilkynnt kerfi þar sem erfiðleikar geta skapast við að láta búnaðinn og kerfið vinna saman.

Yfirlýsing um netsamhæfi frá framleiðanda til notanda

Í þessari yfirlýsingu á að tilgreina þau kerfi sem búnaðurinn er hannaður til að tengjast og öll tilkynnt kerfi þar sem erfiðleikar geta skapast við að láta búnaðinn og kerfið vinna saman. Framleiðandinn skal einnig taka það skýrt fram hvort netsamhæfi er háð stillingum búnaðar og hugbúnaðar. Þar skal einnig hvetja notandann til að hafa samband við söluaðila ef ætlunin er að nota tækið með öðru kerfi.

IV. VIÐAUKI

1. Aðleiðsluskilyrði

Eftirfarandi gildir um kröfur staðalsins sem um getur í I. viðauka í lið 4.6.2, 4.7 (þar á meðal alla viðeigandi undirliði) og lið 4.8 (þar á meðal alla undirliði sem við eiga).

Viðnámið 2 800 Ω komi í stað viðnámsins 3 200 Ω .

2. Aðleiðsluskilyrði fyrir endabúnað sem er ekki ætlaður til að tengjast við almennt sjálfvirktt símakerfi sem gefur minni slaufustraum en 18 mA

Eftirfarandi gildir um kröfur staðalsins sem um getur í I. viðauka í lið 4.6.2, 4.7 (þar á meðal alla viðeigandi undirliði) og lið 4.8 (þar á meðal alla undirliði sem við eiga).

Þegar um er að ræða endabúnað, sem framleiðandinn lýsir yfir að sé aðeins ætlaður til að tengjast við línur sem gefa 18 mA slaufustraum eða meira, skal viðnámið 2 300 Ω koma í stað viðnámsins 2 800 Ω .